



بس سافر

لك زمان وداخلك تلويحة
لك زمان والسفر يحفل بك
لك زمان وخطوتك ليحة
من قبل تنظر لها تنظرك
لك زمان والزمن تجريه
كل مادنا العثم سيل بك
لك زمان وأهتك شجة
كل مانسنس ذكر تذبج بك
لك زمان وحاطبك به صيحة
كل ماعسس غلس تصرخ بك

لك زمان تغفره وتبيحه
وكل ماله فالزمن يفجرك
لك زمان وردتين وشيحة
تذبل بغيرك ولا تذبل بك
لك زمان وضحكة التفرجة
كل حلمك صدفه تعثر بك
لك زمان خطوتك طويحة
لو تجي تعبر بها تعبر بك!

محمد السالم

الغربة وطن

الوطن لو كان ماعنه يديل
أجمع شتاتي وأسوي لي وطن
وانت مهما غبت يا أصدق خليل
من أمل ذكراك أخيط لي كفن
وان غيايبك في مناهات الرحيل
يجعل حروفي تصيح وتستنجن
انت لو تدري بغلاتك يا جميل
تشعل شموع الغلا مهما طفن
الدموع تحليج من قلبي وتسيل
والزمن حراس وعيوني سجن
والرموش أسوار قاصبها نحيل
يرتجي غالية في آية تمن

وانت تدري يا عسي عمرك طويل
أن عيوني من غيايبك أكتفن
أرجع لعيني قبل تلقى قتيل
وأعطف بقلبي قبل لا تسرقن
العمر لو كان ما ضيه بخيل
القدر يكرى مصيره ينصفن
الوكاد أفرح ولك صاحب أصيل
ينتظر مهما فلو فيه تمتحن
وكان صارت رجعتك لي مستحيل
أجمع الغربة وأسوي لي وطن

فيصل العزم

«سكر قصب»

شل فاسك/ تمعن شوف ما من حطب
غير ضلعي اسوق الله عليك احطبه
كان يسردان.. خذ جمرة شعوري لهب
صبا، عامر، فاكاس الشغري ثم اشريه
ليه خايف/ ترى ما في احترافي تعب
احترق لك.. واصنع من رمادي شبه
قلت: اوضفك لا يا.. خب، لا تكتنب
كل شي احبه فيك بأحبيه
شفرموشك عناقيد وعيونك عنب
حبتين وعصرهن شوف جيت اسكبه
شف خدودك مدائن، حب خالك عرب
تستفز البياض بصمت.. ثم تسلبه
شف شفاتك مدينة ورد فيها شغب
كل حرف بغى يطلع تجي تصلبه
كل ماي ف شفاتك صار سكر قصب
رش سكرك قبل الناس لا تنتبه
انت مثل السجين ف عرق دمي هرب
يهرب أكثر من اول لا بغيت اقربه

انت تسكت وعارف ان سكوتك ذهب
انت تحكي.. وانا فضة حكيك اسجبه
يكفي اني اشوفك سهل لكن صعب
يكفي انك سؤال؟ وجيت دون اجوبه
انت مثل النخيل تحب تعطي رطب
تعطي الناس لكن ما تذوق، رطبه،
والله انك عجيب.. وما يزيدك عجب
انك انسان مخلوق ومعه كوكبه
يعني انتة ف كوكب ارض جيت بسبب
الله اللي جعل فيك الشعر موهبه
انت فيك الحسب من اصل جد النسب
يعني فيك التفافة قطب في لولبه
فيك حجان تتمنى يجيلك غضب
لجل تحضن بعضها في بعض معجبه
شل فاسك/ واذا حصلت غيري حطب
رافق الله عليك بدون ذنب احطبه!

عامر الحوسني